

IMAQARNILIAQ SAA- Sanarfinermut Avatangiisinullu Ataatsimiititaq 26-10-2023

Ulloq ataatsimiiffissaq Torsdag 26. oktober 2023 kl. 18:00

Ataatsimiiffissaq Kommunalbestyrelsip ataatsimiittarfia

Indholdsfortegnelse

Saqqaa.....	3
Oqaluuserisassat akuersissutigineqarneri.....	4
Nalunaarutit.....	6
Paamiuni pinnguartarfiit amerlisarneqarnissaat.....	7
Angallanneq pillugu Siunnersuisooqatigiinnik pilersitsineq.....	10
Pingaarnertut aalajangersagaq nutaaq, inaarutaasumik akuersissut Tankeqarfik 40E2, Ittoqqortoorm	13
Lukket.....	16
Taasariaqartut allat.....	17
Imaqarniliap akuerineqarnera.....	18

IMMIKKOORTOQ .: Saqqaa

Ilaasortat:

Uju Petersen (IA)
Lone Rosengreen Pedersen (IA)
Naya Sophia Pedersen Lyberth (IA)
Justus Hansen (D)
Peter Davidsen (S)
Dines Mikaelen (S)
Emanuel Nûko (N)

Beslutning

Ataatsimeeqataasut:

Uju Petersen (IA)
Lone Rosengreen Pedersen (IA)
Naya Sophia Pedersen Lyberth (IA)
Peter Davidsen (S)
Dines Mikaelen (S)

Attaveqaatitigut peqataavoq:

Justus Hansen (D)
Emanuel Nûko (N)

IMMIKKOORTOQ .: Oqaluuserisassat akuersissutigineqarneri

Beslutning

Oqaluuserisassat akuersissutigineqarput.

IMMIKKOORTOQ 1: Paamiuni pinnguartarfiit amerlisarneqarnissaat

Beslutning

Ilisimatitsissut tusaatissatut tiguneqarpoq.

Paamiuni pinnguartarfiit amerlisarneqarnissaat

Ilisimatitsissut

SagsID.: EMN-2023-03335

Sanarfinermut Avatangiisinullu Ingerlatsivik – pisortaq Søren Sohn Krog Pedersen / SSKP

Inassuteqaat

Sanarfinermut Avatangiisinullu Ingerlatsivimmit Sanarfinermut Avatangiisinullu Ataatsimiititamut inassuteqaatigineqarpoq:

- ilisimatitsissut tusaatissatut tiguneqassasoq

Suliamik saqqummiineq

Kommunalbestyrelsimi ilaasortaq Dorthe-Marie Mogensen-Fontain (S) 28. marsi 2023-mi aalajangiiffigissatut siunnersuummik Meeqqanut Atuarfeqarnermullu Ataatsimiititamut nassiussaqqarpoq. Siunnersuut naapertorlugu Dorthe-Marie Mogensen-Fontainip Meeqqanut Atuarfeqarnermullu Ataatsimiititap Paamiuni pinnguartarfiit amerlineqarnissaat eqqartussagaa kissaatigaa. Meeqqanut Atuarfeqarnermullu Ataatsimiititap 2023-mi apriliip ulluisa 17-ianni ataatsimiinnerani aalajangerneqarpoq, siunnersuutip suliarineqarnera Sanarfinermut Avatangiisinullu Ingerlatsivimmut kiisalu Sanarfinermut Avatangiisinullu Ataatsimiititamut ingerlateqqinneqassasoq aalajangerneqarpoq.

Pinnguartarfiit meeqqat atugarissaarnerinut pingaaruteqarsinnaasut matumanilu meeqqanut atatillugu ataatsimut isigalugu pinaveersaartitsinermik pingaarutilimmik suliniutaasinnaasut ingerlatsivimmit nalilerneqarpoq. Taamaattumik pinnguartarfinnik pisariaqartitsineq aamma kommunip Paamiut pillugit tamakkiisumik pilersaarutaani, siunissami pilersaarusionermut, pilersaarutitut suliniutinullu periusissionermi najoqqutassaasumi ilanngullugu ilanngunneqarpoq.

Massakkut illoqarfimmi blokkit eqqaanni qassutaasanik qallortarfinnik kiisalu pinnguartarfinnik pisoqaanerusunik marlunnik peqarpoq. 2020-mi illoqarfimmi timersortarfiup arsaattarfiillu akornanni silami pinnguartarfinnik/timigissartarfinnik sanaartortoqqarpoq. Taamatuttaaq kommune 2017 - 19-imi illoqarfimmi pinnguartarfissamik nutaamik pisivoq, taannali assigiinngitsunik pissuteqartumik suli pilersinneqanngilaq. Ingerlatsiviulli paasivaa, entreprenøri massakkut suliami siuariaateqartoq. Pinnguartarfik illoqarfimmi arsaattarfiup mikinerup eqqaani sananeqassaaq.

Kommunalbestyrelsip qanittumi Paamiut pillugu tamakkiisumik pilersaarutissap 2024-mi atuutilertussaq isummerfigissavaa. Illoqarfimmut tamakkiisumik pilersaarutissami pinnguartarfiit arlallit naammassineqarnissaat sananeqarnissaallu pilersaarutigineqarput. Taamaattumik Kommunalbestyrelsip tamakkiisumik pilersaarut nutaaq akuersissutigissappagu, pinnguartarfiit amerlineqarnissaat pillugu siunnersuut kommunimit eqquutsinneqariissaaq. Taamaattumik ingerlatsivik tamakkiisumik pilersaarut malillugu pinnguartarfinnik sanaartornernik pitsanngorsaanermillu suliaqarnerminik ingerlatitseqqikkusuppoq kiisalu pinnguartarfiup 2017 - 19-imi pisarineqareersup suliarinera ingerlateqqikkusullugu.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.



Inatsisitigut tunngavissaq allakkallu tunngaviusumik uppersaatillit

- 2024-mut Paamiut pillugu tamakkiisumik pilersaarut pillugu siunnersuut

Ilangussat

Soqanngilaq.

IMMIKKOORTOQ 2: Angallanneq pillugu Siunnersuisooqatigiinnik pilersitsineq

Beslutning

Inassuteqaat akuersissutigineqarpoq.

Ilanngussat

Angallanneq pillugu siunnersuisooqatigiinnut ileqqoreqqusat



Angallanneq pillugu Siunnersuisooqatigiinnik pilersitsineq

Aalajangiiffigisassaq

SagsID.: EMN-2023-03031

Sanarfinermut Avatangiisinullu Ingerlatsivik – pisortaq Søren Pedersen / SSKP

Inassuteqaat

Sanarfinermut Avatangiisinullu Ingerlatsivimmit Sanarfinermut Avatangiisinullu Ataatsimiititamut inassuteqaatigineqarpoq:

- Angallanneq pillugu Siunnersuisooqatigiinnut ilanngussaq 1-imi ileqqoreqqusat akuersissutigineqassat
- suliaq Aningaasaqarnermut Inuusutissarsiornermullu Ataatsimiititamut Kommunalbestyrelsimullu aalajangiiffigisassanngorlugu ingerlateqqinneqassasoq

Suliassamik saqqummiussineq

2023-mi marsip ulluisa arfernani Kommunalbestyrelsimi ilaasortaq Lone Rosengreen Pedersen (IA) Angallanneq pillugu Siunnersuisooqatigiinnik pilersitsinissaq pillugu aalajangiiffigisassatut siunnersuummik nassiussivoq. Lone Rosengreen Pedersen malillugu Angallanneq pillugu Siunnersuisooqatigiit suliassaqartunit suliffeqarfiillu attuumassuteqartunit ilaasortaqqassapput. Kommunalbestyrelsip siunnersuut 2023-mi marsip ulluisa 28-anni akuersissutigaa, suliallu misissorneqarnissaa pillugu Sanarfinermut Avatangiisinullu Ingerlatsivimmut ingerlateqqillugu.

Ingerlatsivimmit Angallanneq pillugu Siunnersuisooqatigiinnut pilersinneqartussamut ileqqoreqqusassatut siunnersuutit suliarineqarput aamma Kalaallit Nunaanni Politiinut aamma Nunatta nakorsaaneranut tusarniaassutigalugu nassiullugu. Sanarfinermut Avatangiisinullu Ingerlatsivik allatsitut atuutissaaq, saniatigullu angallanneq pillugu siunnersuisooqatigiit tallimanik aalajangersimasunik sinniisoqassaaq: Kalaallit Nunaanni Politiit, Kommunimi aqqusinernut oqartussaqaarfik, Kommunimi Upalungaarsimasut aamma Nunatta Nakorsaaneqarfia. Tamatuma saniatigut immikkoortunik oqaluuserisassanik suliaqartut attuumassuteqartut siunnersuisooqatigiinnit aggersarneqassapput, taamaalilluni assersuutigalugu atuarfiup aalajangersimasup eqqaani isumannaatsumik angallannermik isumaginninnissamut tunngatillugu atuarfimmi aqutsisut peqataatinneqarsinnaapput.

Angallanneq pillugu siunnersuisooqatigiinnik pilersitsinikkut siunissami pisunut ilungersunartunut tunngatillugu annertunerusumik ataqatigiissaarinissaq nalilersuisarnissallu qulakkeerneqartarnissaa kissaataavoq. Assersuutigalugu ajutoornernut aamma nittaalartalmik anorersuartillugu (tassunga ilanngullugu aqqusinernik matusinerit). Ataqatigiissaarineq naliliisarnerlu pitsaannerusooq tunngavigalugit kommune angallannikkut suliassaqarfimmi pitsaannerusumik suliniuteqarsinnaalissaaq kiisalu siunissami ilungersunartumik pisoqarnissaanut pinaveersaartitseqataassaaq.

Siunnersuisooqatigiit aalajangersimasumik ataatsimiittarnissaaq siunnersuutaavoq, saniatigullu angallannermi ilungersunartumik pisoqartillugu naliliinissamut tamatigut aggersarneqartassapput, taamaalilluni siunissami ilungersunartumik pisoqarnissaa pinaveersarneqarniassamat kiisalu nalunaarsuisoqarluni, taakkulu kingorna misissuinerit ataatsimullu isigalugu isumannaalissaanermik suliniuteqarnermut atorineqarsinnaassapput.

Ileqqoreqqusassatut siunnersuut kommunalbestyrelsimit akuerineqarpat, ingerlariaqqinnissaq tassaassaaq ingerlatsivimmit angallanneq pillugu siunnersuisooqatigiinnik inissitsiterlutik



ataatsimiinnissaannut aggersaanissaq aamma ilaasortaataitaqarfiit ilaasortaatitassaminnik toqqaanissaat.

Ingerlatsivimmit aningaasatigut sulisoqarnikkullu naliliinerit

Angallanneq pillugu siunnersuisooqatigiinnik ingerlatsinermut aningaasartuutit Ingerlatsiviup missingersuutaani pioreersup ataanniissapput.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatillit

- Sanaartorfissagissaaneq, pisortat kuuffeqarfinnut aqquersuutaat aamma pisortat aqquiniutaat pillugit Inatsisartut inatsisaat nr. 16, 17. november 2010-meersoq

Ilanngussat

1. Angallanneq pillugu siunnersuisooqatigiinnut ileqqoreqqusat

IMMIKKOORTOQ 3: Pingaarnertut aalajangersagaq nutaaq, inaarutaasumik akuersissut Tankeqarfik 40E2, Ittoqqortoormiit


Beslutning

Inassuteqaat akuersissutigineqarpoq.

Ilanngussat

Immikkoortup ilaanut 40E2-mut, Tankeqarfik, pingaarnertut aalajangersakkat

Nutaamik inissinneqarnissaa pillugu KNI-mit qinnuteqaat



SIUNNERSUUTIP TUSARNIUTIGINEQARNERA

1. SAA
2. AIA

AKUERSISSUTIGINNINNEQ

1. SAA
2. AIA
3. KB

Pingaarnertut aalajangersagaq nutaaq, inaarutaasumik akuersissut Tankeqarfik 40E2, Ittoqqortoormiit

Aalajangiiffigisassaq

SagsID.: EMN-2023-02019

Sanarfinermut Avatangiisinullu Ingerlatsivik – pisortaq Søren Sohn Krog Pedersen / SSKP

Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- Immikkoortup ilaa 40E2-mut Tankeqarfik, Ittoqqortoormiit pingaarnertut aalajangersakkat akuersissutigineqassasut
- suliaq Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut akuerisassanngorlugu ingerlateqqinneqassasoq

Suliassamik saqqummiussineq

Matumuuna Sanarfinermut Avatangiisinullu Ingerlatsivimmit immikkoortup ilaanut 40E2-mut, Tankeqarfik, Ittoqqortoormiit, pingaarnertut aalajangersakkat saqqummiunneqarput. 40E2-mut, Tankeqarfik, Ittoqqortoormiit pillugu aalajangersakkat siunnersuutitut sapaatip-akunnerini arfineq-pingasuni tamanut tusarniaassutigineqarnerani piffissami 28.06.23 - 23.08.23 tusarniaanermi killiliussap iluani akissutinik tigusaqartoqanngilaq.

Ullumikkut immikkoortoq teknikkimik atortulersuutitut atugassanngortitaavoq aamma nunaqarfiup tankeqarfianut atorneqarpoq. Immikkoortup ilaa 40E2 Ittoqqortoormiit kitaata tungaaniippoq, Aalborgvejip eqqaatigut umiarsualiviup uiggiutaani tamannalu 0,7 ha-it missiliorlugit annertussuseqarpoq.

Pingaarnertut aalajangersakkani nutaani immikkoortup teknikkimik atortulersuutitut siunertalinnut atorneqarnissaa aalajangiusimaneqarpoq, immikkoortulli ilaa avannamut killinga annertusitinneqassaaq taamaalilluni immikkoortoq 1,1 ha-itut annertutigilersinneqarluni. Immikkoortup ilaa taamaalilluni nunaqarfiup innaallagissiorfianik, transformatoreqarfimmik gassiisivimmillu peqarpoq tassalu immikkoortup ilaani tassani teknikkimut atortulersuutit ataatsimoortinneqarput.

Qamutitut motorilinnut garagiatut atugassamik haalimik qaarajuttuliornissaaq pillugu KNI-miit qinnuteqaat ingerlatsivimmit tiguneqarpoq. Illut marluk (B-231 aamma B-605) Polaroilimit pigineqareersut haalimik qaarajuttuliassatut qinnutigineqartup eqqaaniittut. Haalimik qaarajuttussap inissisimaffissaatut kissaatigineqartoq Qanganitsat eqqaanni Qitiusoqarfimmi immikkoortup ilaa 40C2-miippoq, tassanilu pingaarnertut aalajangersakkat atuuttuusut naaportorlugit sanaartorneq inerteqqutaalluni. Siuliani immikkoortup ilaata killeqarfianik allannguissamat siunnersuutigineqarnerani haalimik qaarajuttoq immikkoortup ilaani 40E2-mi inissinneqassaaq matumanilu pingaarnertut aalajangersakkat nutaat naaportorlugit sanaartorneqarsinnaanngussalluni. Qinnuteqaat nutaamik inissisimaffissatut kissaatitalik ilanngussaaq 2-tut ilanngunneqarpoq.

Immikkoortup ilaa 40E2 Tankeqarfik, Ittoqqortoormiit pillugu aalajangersakkat pingaarnerit akuersissutigineqarnerisigut maannakkut pingaarnertut aalajangersakkat atorunnaarsinneqassapput.

Ingerlatsivimmit aningaasatigut sulisoqarnikkullu naliliinerit

Matumani pingaarnertut aalajangersakkat nutaat siunnersuusiorneqarnerat pilersaarusiornermut immikkoortoqarfiup pilersaarutaasumik ingerlatsineranut ilaavoq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatillit

- Pilersaarusiorneq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-meersoq
- Inatsisartut inatsisissaat nr. 34, 9. december 2015-imeersoq
- Kommunitumut pilersaarut digitaliusoq www.kp.sermersooq.gl

Ilanngussat

1. Immikkoortup ilaanut 40E2-mut, Tankeqarfik, pingaarnertut aalajangersakkat
2. Nutaamik inissinneqarnissaa pillugu KNI-mit qinnuteqaat

IMMIKKOORTOQ 4: Lukket

IMMIKKOORTOQ .: Taasariaqartut allat

IMMIKKOORTOQ .: Imaqarniliap akuerineqarnera

Beslutning

Imaqarniliaq akuersissutigineqarpoq nal. 14:30.